

de sua mostrata in Friul, qual sempre è stato con domino Hironimo Savorgnan fidelissimo et perso quello l'havia: et a l'incontro fu postò per li consieri ch'el si debi, in termine di zorni 15, cadaun vol sta letura farsi notar in li libri di canzelaria e poi si vegni a la balotatione, come altre volte si à consuetado di far in tal materia. Et andò in renga sier Mafio Lion savio ai ordeni, e parlò in favor di Amaxeo ch'è docto etc. Li rispose sier Alvise Bembo savio ai ordeni, qual più non ha parlato, per la opinion di consieri, et cussì d'acordo li savii, senza meter parte, visto cussì volea el Consejo, fu terminato balotar cadaun si volea dar in nota, che sono questi: Raphael Regio, Marin Bieichemi, Hironimo Calvo, et altri chi vorano.

*Di Chioza, vene letere di sier Marco Zan-
tani podestà, di ozi.* Come, per do frati venuti, ha il gran maistro con bon numero di lanze e fanti era a Carpi, et poi parti de li. *Item*, che li Bentivoy erano ussiti di Bologna. *Item*, che era do zorni che non si sentiva bombardar atorno Bologna, come da prima si sentiva, etc.

Noto. In questi zorni, è stà mandà a Ravena altri ducati 10 mile, e li portò Nicolò Otobon, e zonzeno li a di 20, et li portano per la terra in 20 saccheti su le spale a homeni con grande honor, che, come poi intisi da lui, tuta Ravena corse a vederli, eridando: « *Marco! Marco!* » dicendo venetiani ha pur danari che se dicea non ne hanno più, e non solo per loro, ma per il Papa li spendono etc. El qual Nicolò andò con 20 barche armate di Chioza, soto quel chiozoto capitano chiamato Antonio Texarin.

Fo leto una parte di dar certo officio a uno Giacomo da Legname trivixan, fidelissimo nostro, et fo impedita a balotarlo per uno consier, dicendo non era stà leta in Colegio.

Et per dimorare tanto venisse letere dil provedador Griti, di quanto havia fato e operato, e dil suo intrar in Brexa, che di hora in hora si aspetava, fu terminato di far scurtinio di orator in Hongaria, et cussì fu fato, et rimase sier Antonio Surian el dottor camerlengo di comun qu. sier Michiel, qual havia fato gran procure. Et lo fui nominato, ma non voleva, perchè desidero andar synicho da terra ferma. Et il scurtinio sarà qui avanti posto; et veneno zoso a hore 2 e meza.

Noto. Fo lettere di Vicenza di Zuan Pietro Stella secretario dil provedador Griti, rimasto li. Come, per uno venuto, si ha il provedador Griti, con le zente vano verso Brexa, era stà visto a Goyto.

Seurtinio di orator in Hongaria.

227 *

Sier Gasparo Contarini qu. sier Alvise, qu. sier Federigo	48. 128
Sier Vincenzo Barbo, fo provedador a Meldola, qu. sier Marco	41. 138
Sier Mafio Lion, el savio ai ordeni, qu. sier Lodovico	50. 130
Sier Nicolò Tiepolo, el dottor, di sier Francesco	55. 128
Sier Anzolo Cabriel, fo auditor vecchio, qu. sier Silvestro	70. 109
Sier Luca Donado, fo avochato, qu. sier Lunardo	18. 157
† Sier Antonio Surian, el dottor, camer- lengo di comun, qu. sier Michiel	110. 68
Sier Piero Antonio Morexini, fo auditor nuovo qu. sier Justo	37. 137
Sier Vettor Capello, fo provedador a Vi- cenza, qu. sier Andrea	31. 141
Sier Marco Gradenigo, el dottor, qu. sier Bortholamio	51. 129
Sier Andrea Mocenigo, el dottor, fo a la camera d'imprestidi, di sier Lupardo	71. 101
Sier Marin Sanudo, fo savio ai ordeni, qu. sier Lunardo	55. 123
Sier Marco Gradenigo, el dottor, fo au- ditor vecchio, qu. sier Anzolo	89. 91
Sier Zuan Baxadona, el dottor, di sier Andrea	37. 141
Sier Alvise Bon, fo di Pregadi, qu. sier Michiel	105. 73
Sier Zacaria Bembo, fo provedador a Bassan, di sier Francesco	16. 146
Sier Gabriel Emo, fo a le raxon nuove, qu. sier Zuan el cavalier	80. 99
Sier Domenego Venier, fo auditor vec- chio, di sier Andrea procurator	95. 63
Sier Zuan Antonio Venier, fo auditor vecchio, qu. sier Giacomo Alvise	39. 131

Rebalotadi questi do.

Sier Domenego Venier, fo auditor vec- chio, di sier Andrea procurator	96. 77
Sier Zuan Antonio Venier, fo auditor vecchio, qu. sier Giacomo cavalier	54. 119

Vene in questa terra sier Andrea Zivran prove-
dador di stratioti in Histria, con letere di sier Piero